

Kunikelelwe izikole zaseMlazi



Esithombeni uMnuz. Razak Moosa oyisikhulu sakwa Willowton Group, uProfessor Mashupye Kgaphola waseMangosuthu noMnuz. Malinbongwe Khumalo ofundisa iSayensi eMenzi High School

Lindiwe Mbambo

BEKUYINJABULO yodwa kothisha bezikole zaseMlazi, ikakhulukazi abeSayensi ngesikhathi abakwa Willowton Group bebanikelele ngezinsiza zesayensi.

Isikole ngasinye sithole izinsiza ezibiza u-R25 000 ngasinye. Izikole ezihlomulile yilezo eziphase lesi sifundo ngamalengiso, sakhethwa yisikhungo semfundo iMangosuthu University of Technology (MUT) emcimbini i-Circle of Excellence Awards obuseLangeni Hotel ngoLwesihlanu.

Izikole ezihlomulile kubalwa iMenzi High ethole u-98.5%, Ekwazini High ethole u-88% neVukuzakhe High ethole u-84%. Inhlalo yalo mcimbi ukhlonipha izikole zaseMlazi ezenze kahle kwibanga leshumi, nokugququzela lezo ezingaphasanga kahle ukuba zenyuse amasokisi. Phakathi kwezifundo okubhekwa kuzona kubalwa

iZibalo, iSayensi ne-Accounting. Akukona okokuqala le nkampani inikela ngezinsiza zeSayensi, muva nje isanda kunikela ngezinto zeSayensi ezikoleni ezingu-20 zaseMlazi ezingabiza uR660 000, nakwezingu-4 zaseMgungundlovu. UMnuz. Razak Moosa, ongumphathi wakwaWillowton Group ikusasa leNingizimu Afrika nokunotha kwayo kulele ekwenyukeni kwenani labafundi abenza lezi zifundo.

"Sethemba ukuthi lezi zinsiza zizobasiza endleleni abaqhuba ngayo esifundweni seSayensi, ikakhulukazi labo abafunda emalokishini. Lokhu kuzobenzela ukuthi izinto zibe lula noma sebeya ezikhungweni zemfundo ephakeme. Laba bafundi bazoba nomthelela omuhle emnothweni, babe ngabaholi bakusasa," esho. Uthe kubalulekile ukuthi abafundi bahlonjiswe ngolwazi bahlonyisikoleni ukuba bathi uma sebefika ezikhungweni

zemfundo ephakeme babe sebenolwazi. UProf Mashupye Ratale Kgaphola oyi-Vice-Chancellor nothishanhlolo wase-MUT, ubonge abakwaWillowton Group ngoxhaso lwabo, wathi lokhu kukhombisa ukusebenza ngokubambisana kwezinkampani ezizimele zakuleli ngenhloso yokubhekana nezinsizelo ezibhekene neNingizimu Afrika. UMnuz. Malinbongwe Khumalo onguthisha weSayensi eMenzi High uthethe bayawuthokozela lo mnikelo, uzoba wusizo olukhulu ikakhulukazi kubafundi nothisha. "Izosiza ekutheni abafundi bakwazi ukukuqonda kahle ngezinto esikusike sibafundisa zone, bazokwazi ukuzibonela zenzeka". Lezi zinsiza zakhiwa abakwa -Edutrade nabakwaNew Africa Education Foundation abasebenza ngokubambisana nezikole, ngenhloso yokwenza isiqingiselo sokuthi ziqhuba kahle.